

縣志

卷十四

壯愍編

南康縣志壯愍編序

同治九年閏十月重修南康縣志既蕝事邑紳士集鄉
勇死難姓名繫以年月識其地址題其端曰壯愍編凡
三千一百人有奇余惟生人義勇之氣實動於天之不
容已當髮逆鴟張時蚩蚩者倉皇播徙莫敢撓其鋒刃
獨南康以土著之民當事一呼奮臂四應死綏雖慘功
亦偉焉夫此數千人者非有讀書明理之人亦非有功
名富貴動於中也同仇之志積爲忠勇故不避喋血斧
身之禍以報食毛踐土之恩然假令數千人者畏縮逃
生無論未必保其首領卽幸能老死牖下夫誰復知其
姓氏且上邀

朝廷旌卹之隆如此哉康城捐建昭忠祠一所余春秋祭其

堂忠魂纍纍然悲風四起未嘗不愴懷勇烈今復集是
編與志乘同垂不朽庶後之覽者一展卷而如見奮呼
殺賊後先死敵時也古吳沈恩華序

增生邱炳春死事傳

張偉奇

邱炳春邑增生號榆甫東鄉文峰堡人所居地名老虎頭屬族州處獷悍不爲鄰村相友助春垢其族之不見重縉紳也亟思所以變之游庠後首禁拳勇技擊諸惡習每歲有事於祠輒萃長幼講倫理誘之孝弟忠信而廉其秀而良者慫愚讀書親爲督課未嘗責致脩敬然性氣倜儻不屑屑生產爲事又善談論語言鋒發尙論古今忠義事蹟未嘗不感奮流涕盖天性然也咸豐紀元顓令叢占鰲明府聘爲記室時當西逆陸梁飲馬江漢順流陷金陵大江南北羽警風馳慨然曰范文正爲秀才時便以天下爲已任是豈吾輩伏案蠹書時哉悉謝舉業窮究韜鈴之學毅然有擊楫請纓之志焉歲甲

寅嶺南盜起杖策謁令周公汝筠請領健兒爲前軍援
韶部署嚴明贊畫詳密周倚重之既屢敗賊於韶之河
西尾搗其堅解韶圍當道敘功擬以復設訓導保薦明
年秋周復奉調援吉軍次泰和食盡道梗賊又率大股
邀擊其前全軍譁潰惟春獨修部伍而還維時援吉兵
敗賊勢愈張新遷巡道汪公報閏移駐南康接募新城
勇二千人康勇千餘人謀可爲統帶其人者莫有過春
舉眾屬之令由橫石并馳會周軍協謀禦賊時周猶率
敗軍退守贛境之介坪也及春間道抵萬安而周已由
贛郡回康城春以孤軍深入陸馳三百餘里鷄犬一無
所擾時論才之然軍新集需用戰守之器不及取給於
周士氣頓沮而巡道謀利速戰迭劄進軍丙辰春二月

拒賊前股於百家村屢有斬獲嗣以糧匱器闕賊又盡銳前驅人莫有固心矣二十九日曙賊縱大股水陸蠶來春急率勇拒敵新城勇不戰潰走春遂生陷於賊賊熱鐵彈置其頂勒之降春不能屈乃以棉具漬油裹而焚之時有同陷賊營之隨勇逸回述其死事之烈如此事聞江西撫臣覺羅耆奏請卹蔭奉

旨人祀昭忠祠准給祭葬銀兩世襲雲騎尉襲次完時給予恩騎尉世襲罔替長子魁經承襲

儒先都司吳廷瑞小傳

吳廷瑞油槽堡人由行伍入武庠以弓馬熟嫻拔補羊角營額外外委洊補顛標中營外委道光二十一年果勇侯楊芳統師駐粵瑞隨南贛總鎮長春留營差委侯

廉知瑞才奏請

賞戴藍翎以把總拔補補雲都城守汛把總調署左營守備
咸豐五年臬憲周貞恪公調赴勦辦吉安郡屬踞賊累
功以都司儘先補用髮逆圍撲吉郡貞恪嬰城固守瑞
日夕巡邏不懈六年正月援絕餉匱貞恪死之瑞同日
遇害撫憲奏准卹蔭世襲雲騎尉襲次完時以恩騎尉
世襲罔替子桂發承襲

廖啓發小傳

廖啓發潭口堡人咸豐六年髮逆佔據潭口啓發舉家
陷賊賊負嵎抗拒官軍攻剿累月不克邑紳廖開昱等
稟明知縣周汝筠設法招撫潛約啓發爲內應啓發暗
結良民之陷賊者編隊伍申盟誓同心殺賊約有日矣

哉

即選從九劉泰成小傳

劉泰成監生西鄉甘竹一堡人名進士敬熙先生其從祖也嘗以身爲清白吏後意氣自雄赴義如響排解鄉鄰磊磊如也故身不列薦紳而名重士林咸豐四五年間嶺南盜起糾眾數百人應募從征與前升縣周汝筠克復始興縣城援解韶州郡圍積勞得獎六年倡解縣圍調集西鄉田勇辦團籌餉與有力焉越明年正月縣境肅清隨奉周升縣管帶田勇援信豐敗賊於赤土堡者屢矣席勝銳入中其伏賊又出大股自後斫之遂戰死事平奉江西撫臣沈奏請議卹准給祭葬銀入祀昭忠祠並襲雲騎尉世職襲次完時給恩騎尉世襲罔替

子順瀚承襲發顛標以千總補用嗚呼若戡者可不謂鄉人而國士哉見危授命詩書簪紱者難焉而克以布衣邀世及之榮壽其清白之家聲廉吏爲有後矣

花翎都司銜郭景山小傳

郭景山西鄉甘竹二堡人世習農業貌恂恂如婦女而膽氣雄於千夫充當本邑練勇驍勇健鬪戰輒有功咸豐十年周升縣汝筠奉調援仁化縣景山於是爲百夫長矣領健兒百人徑衝賊鋒潰其陣追抵城根嘯而登者屢賊視後陣不繼競發鎗銃叢擊之忽飛一丸洞其左腋而死聞者壯之先是每仗勝賊眾皆洶洶揮拳起論鏖戰狀山獨嘿無所建白而未嘗無功論者謂有馮大樹風云廣東撫臣覺羅耆奏請卹蔭准給祭葬銀世

襲雲騎尉襲次完時給予恩騎尉世襲罔替

拔補把總劉生發拔補外委蕭惠振合傳

刀鑽鼎鑊之間違義則生守義則死責其不義而生寧義而死此見危授命之事可概責以一莽之夫哉莽夫也能明順逆而生死守之不受威於刀鑽不渝志於鼎鑊尙得以莽夫也朽之由是言之徇義如劉生發蕭惠振二人者固亦有足傳焉劉生發塘江人蕭惠振潭口人皆以技擊拳勇豪於時雖不識書而當義不能平之事奮拳起鬥卒不以勇狠見惡鄉鄰毋亦所謂古鄉俠之流亞歟咸豐四五年應募爲練勇俱以援解韶圍有功得獎武職六年夏四月潭奸作亂李斌等倡爲添弟會裹脅紳民從者如崩振獨遏其族鄰多方勸散而又

密與生發潛約舊部練勇謀殲其魁賊覺遽擒生發拷問發無所諱賊怒支解之既殺發密遣黨眾夜環振廬擒振殺其家屬勒爲會匪振大罵曰誰從汝作無頭罪鬼也賊大怒斷其兩手斫口割舌猶罵不已乃斬頭血漉旗而焚其尸於市嗚呼烈哉事平前縣周汝鈞詳請撫憲覺羅者奏請卹蔭奉旨蕭惠振准給祭葬銀世襲雲騎尉襲次完時給予恩騎尉世襲罔替

千總蔡元陞把總蔡元德蔡久發傳畧

蔡元陞

鄉

堡人出行伍考拔南安營外委咸豐

五年由把總拔補觀音閣汛千總署中軍守備代理本營遊擊事奉顧鎮阿隆阿隨帶標兵征臨江等匪多立戰功復奉按察使周閏山調征吉安踞賊協守郡城日

久巡警歷數閱月賊窮環攻之力無懈可乘周甚賴之
至六年正月卒以食盡不守及賊入城乃約吳廷瑞等
格鬥以死

蔡元德行伍道光二十年從征英夷有功效勇侯楊公
芳保獎六品頂戴隨補額標後營額外考拔南安營外
委升官村汛把總咸豐五年奉拔察使周閏山分剿吉
匪不克戰死

蔡久發號玉祥咸豐四年以軍功得獎外委復奉額鎮
委查河道有功拔補安遠汛把總調南安水城汛把總
咸豐八年冬髮逆石達開率數萬眾竄圍郡城十一月
三十日城陷死之

張大芬郭雲凌廖子玕廖同寅殉難記畧

張大芬文峯堡人性孝友事母未嘗闕甘旨兄弟皓首
同爨怡怡如也咸豐六年之變土匪銜其族黨助官剿
捕首火其廬芬因亡伏贛邑胡盧洞之林菁深處俄爲
土匪迹獲縛送潭口老巢賊目何名標置芬筆硯勒作
手書招其族紳之在官者芬怒擲硯擊賊中其左股賊
目咆哮大悲械送塘江大巢請殺之稱僞尙書名程瀛
者復釋其縛自爲手書令芬歸致其族芬又碎擲之賊
終不能屈乃斬芬首縛書辮髮間而於陣前擲歸其元
時年六十有一矣前縣周汝筠以未請卹保獎其子昌
銓以從九品選用同治四年附祀省垣昭宗總祠

郭雲漢文峯堡人家厚於財六年之亂首捐稻穀百餘
石募勇辦團賊聞擁眾闖入強以黃巾裹其首勒書姓

名入會凌却罵之遽自刎死

廖子玕潭口堡人家巨富爲賊所利又因叔祖開昱總辦鄉團捐助官餉奸匪益深銜恨六年之變玕隨家屬避廣東偶爲土匪截獲械送樓梯嶺大巢勒餽財物榜繫交酷玕大言曰吾不能苟求生命以助盜糧也賊怒割舌支解之同治四年附祀省垣昭忠總祠

廖同寅翁生潭口堡人咸豐六年全家陷賊中計不能脫遣子福長密約宗黨圖反正有成謀矣俄爲賊覺被捉窮究同謀終不吐實父子遂同遇害然當時賴以全活者蓋不止數百家云

廩生邱觀光廩生盧由庚殉難傳畧

邱觀光郡廩生文峯堡人性端謹有文名因抱伯牛之

疾索居郊野猶時把卷吟詩以寫其抑鬱不平之氣丙
辰潭匪滋事大遭焚掠全族屋無完瓦光自以爲殘疾
餘生無怨於賊每遇賊婉勸歸正賊凡舉動時爲密信
告官軍賊覺勒光蓄髮徙居大怒罵之遂遇害

廬由庚邑廩生塘江堡人咸豐紀元應舉孝廉方正以
詩古文辭課於庠八年大庾令黃榮庚聘爲記室勦辦
團練甚倚賴之是年冬賊稱僞翼王者石達開統大股
賊竄圍郡城知南安府葉球委帶團勇守備綦嚴賊竄
仰攻暗掘地道以入城陷與圍城官僚俱死於事

烈婦張氏全家殉難記畧

張井生妻某氏蓮塘堡風門坳人咸豐八年新城之變
石逆大敗官軍各隘防勇諸潰逃矣氏聞風門坳兵敗

疾避入山忽爲騎賊追及見氏少艾堅逼辱之氏計不免佯爲從賊賊喜遽擲其刀與氏坐地而戲方談笑間賊不及防氏遽捉刀割賊不及斃遂爲賊殺盡戮其家氏翁張學詮姑李氏氏夫井生子及夫弟妹一家六口同時遇害

胡洪標蕭先萼蕭先明蕭先福黃明春五人合傳
軍行必有敢死之士事危即有濟變之材當存亡在呼吸匹夫挺身而起至於喋血置場膏身原野不之惜得不謂之烈士乎哉然則烈如胡洪標五人者可記焉五人者俱南康人軍興以來應募充爲練勇皆以從征泰和萬安踞匪有功得獎六七品頂戴咸豐五年前縣周汝筠奉調援韶五人俱以百夫長稱名戎行拳勇技擊

南唐書卷一百一十四
爭爲雄長不下而驍健善鬪功亦相埒韶之河西尾者
賊老巢也背山面流守以鉅礮相持彌月屢仗失利軍
士莫有固心矣五人請僞爲賊深入其巢俟賊拒戰從
後斫之呼嘯大起我軍反旗掩殺乃大勝賊而五人身
陷重地不能出遂皆殲焉